




حرب الخليج



مقدمة

بكل فخر واعتزاز واعتراف بالجميل أهدي هذه الباقة الشعرية المتنوعة من القصائد والمقطوعات المختارة إلى مولاي خادم الحرمين الشريفين والدنا وقائد مسيرتنا الملك فهد بن عبدالعزيز المفدى . صوت حي وتعبير صادق يعكس اعتزاز المواطن في هذا البلد ويبرز خفايا مشاعره تجاه المواقف الحازمة الصارمة الموفقة التي اتخذها إمامنا وقائدنا تجاه أحداث الكويت التي استهدفت زعزعة الأمن والاستقرار في منطقة الخليج بصورة خاصة وفي المنطقة العربية بأسرها كما أحیی رجال القوات المسلحة السعودية الأبطال الذين أبلوا بلاءً حسناً في معركة عاصفة الصحراء من أجل تحرير الكويت فكان حقاً علينا أن نشيد بهم وأن يشيد بهم هذا القصيد المختار.

سامي عبيد العتيبي

العرضة

شعر / خالد الفيصل

صوت يحارب قامت تلبي صفوف
طن الطبل وانسلت تغطرف سيوف
اليوم عرضة نشوة السيف والخيـل
والعز ومضة في حياة الرجـاجـيل
صـكو على البـيرق قروم النـشـامـا
ذبـو غـترهم ماعلى الهـام هـامـا
كل تحزم بالشجاعة حزامـا
ياموت ول وبـيرق العـز قامـا
واليوم عرضة نشوة السيف والخيـل
والعز ومضة في حياة الرجـاجـيل

تر العرق يحباه حمر النواضر
كل هتف ياساعة المجد حاضر
وسيوفهم تمشي كما السيل هادر
ياموت ول والطير بالجو كاسر
واليوم عرضة رقصة الحرب والموت
وما للرجل رقصة سوى رقصة الموت

الجنود فهود والقايد فهد

شعر/ خالد الفصيل

ياهل التوحيد هبوا للجهاد
مرخصين الروح والجنة وعد
مايدوس الباغي حدود البلاد
والنشاما ماباقي منهم ولد
دارنا من دونها خرط القتاد
دونها الموت الحمر قام وقعد
ماتروعنا جموعك والعتاد
الوعد لي جاك زلزال ورعد
الوعد لين انقلب صبحك سواد
ثم جا للنار في دارك زبد

من زرع يحصد وذا يوم الحصاد
والظلوم نجرعه كأس النكد
ياعدو الله دنا يوم السداد
للكويت حساب وديون وسند
نحسب أنك ذخرا الأيام الشداد
اثرك الي خان أخوه الي رقد
خائن المعروف ياشر العباد
مارعيت حقوق جارك ياوقد
استبحت العرض وفشيت الفساد
تبت يدينك وتب الي فد

يا بوفصل رأيكم فينا سداد
سر بنا ترى لكم منا عهد
مانهـاب الموت من عصر الجياد
لين جا عصر الصواريخ الجدد
نارهم قدامنا تصبح رماد
الجنود فهود والقايد فهد

الشهادة والطموح

شعر/ خالد الفيصل

لا ح يوم الوطن والعز لا ح
وكلمة الله على البريق تلوح
يوم الإسلام يا يوم الفلاح
والوطن كل روح له تروح
فوق الإيمان ركبنا السلاح
والمقابيل بالخافي تبوح
الله أكبر مثل ضرب الرماح
سيلت في خفي الباغي جروح
من وقف عند حد الدار طاح
للكواسر تركناهم طروح

لو سرينا ولو غيرنا صباح
كل صدر نوى به فتوح
يا بوف يصل نبشرك النجاح
للشهادة ترى شعبك طموح
القنابل على ذات الجناح
والغضب من مدافعنا يفوح
كل جيشك يبي منك السماح
عادته لي دعا الداعي جموح
من تعرض حمانا ما استراح
ننزحه من على الدنيا نزوح

اخواننا اللي يقولون

شعر/ خالد الفيصل

بانّت لنا الدنيا وبانوا عربنا
وابدت لنا الأيام مكان مكنون
حالٍ قريناها وحالٍ كتبنا
مستقبل النيات باليوم مرهون
ياماعتبنا لين كمل عتبنا
ويا ماصبرنا لين ظنوا بنا ظنون
حنا نميز طيبنا من حطبنا
كل على ميزان الأفعال موزون
كلٍ عليه بمثل ماله حسبنا
تحسب لهم يوم انهم ما يحسبون

من جرب رضانا يجرب غضبنا
هذا زعلنا كانهم ما يعرفون
ولا عاد به شيء يثور عجبنا
كل غدا مجنون في كون مجنون
وشلون أفسر راس كفر حربنا
والمدعين الدين خلفه يسيرون
واخواننا الي منعمين بسببنا
يا حيف وين اخواننا الي يقولون
والي إلى ضاقت عليهم طلبنا
يسببنا وامس وقبل امس يثنون

يامعطيناهم وياما وهبنا
واليوم بالنكران قاموا يصيحون
لا تحسبون العز مال كسبنا
العز في دين الله الي تعادون
لا مابحثنا للشرف في لقبنا
نشرف بشرع الله على كل قانون
لا لا حشا ماقد على الله كذبنا
ماندعي بالدين والشرع مسجون
سخر لنا الله جند الأرض وغلبنا
والمستعان الله على من يخونون
وبانت لنا الدنيا وبانو عربنا
للناس عقل وقلب وأذان وعيون

حنّا العرب

شعر/ خالد الفيصل

حنّا العرب يامدّعين العروبة
وحنّا هل التوحيد وانتم له أجناب
وحنّا شروق المجد وانتم غروبه
وحنّا هل التاريخ وانتم به أغراب
يوم الفقر شلتوا علينا عيوبه
واليوم عقب النفط جيتوا لنا أنساب
ويوم الفقر فينا البداوة سبوبه
واليوم صرتوا مثلنا بدو وأعراب
لو الهوا منكم منعتم هبوبه
لا شك رزّاق الملا رب الأرباب

ولو المطر منكم منعتموا صبوبه
لا شك رزق الخلق من عند وهّاب
جيش الحسد سقتوا علينا حروبه
كل يبي يزرع على جسمنا ناب
حرب على المحسن تراها عقوبة
بالله عساكم ماتفيدون حرّاب
ياما عطينا ما ندور مثوبه
إلا من اللي من ترجاه ماخاب
وياما نصرنا صاحب ضيقوا به
عادتنا نقدم إلى مالردى هاب

وياما نصانا من تعثر دروبه
يدخل حمانا من تعذره الأصحاب
حنّا بنينا دارنا من طيوبه
وانتم سلبتوا داركم كل ما طاب
الله سقانا من بحرنا عذوبه
وانهاركم مثل البحر هدر تنساب
حنّا زرعنا الحب بأرض خصوبة
وانتم زرعتوا كره الأجيال بقراب
وحنّا دعينا السلم نوبه ونوبه
وانتم حمام السلم بعتوه بغراب

للوطن بقلوبنا قدر رفيع

شعر/ بدر بن محمد الدعجاني

للوطن بقلوبنا قدر رفيع
للوطن قيمة كبيرة ماتقاس
دون الوطن.. أرواحنا سد منيع
حنا على حدود الوطن حراس
في ظل آل سعود.. ماحق يضيع
في لهم حنا أعز الناس
قائد مسيرتنا.. لكن لامره يطيع
مليكننا قوة وحكمه بمقياس
حنا جنودك يافهد.. قلناها جميع
والي بعاديننا تحت القدم يتداس

نحمي أراضينا من منكرين الصنيع
نحمي ديار العز.. من كل الادناس
ويرتي.. دار الوفا.. دار الربيع
ياللي تعيش بأرضنا أرفع الراس

حب الوطن

عمر حكيم

حب الوطن ماتوفيه القصايد
حب الوطن يتأكد.. بالجهاد
مايحمي الوطن هرج في جرايد
ولا شعر منظوم من شاعر اجاد
يبان المخلص في وقت الشدايد
والنذل يشرد مثل سرب الجراد
بقيادة فهدنا الوالد القايد
نحمي وطننا بالروح والعتاد
بارواحنا نمنع كل فرد كايد
من دخول المملكة عشق العباد
ويحمينا الي خلق سبع شدايد
نتكاتف وننسف جند الفساد

عشب الفخر

شعر / الأمير بحر بن عبدالمحسن

اجمع الرمل في ضلوعك غرام
وطوى زندك على ضلعانها
عانق الرمث وعروق القمام
وصلى خدك على صوانها
ارضك الي بها البيت الحرام
أشرق النور من وديانها
ربعت بالمحبة والسلام
وعشبت بالفخر حمانها
أنت في المجد لك راس السنام
عزة الناس من أوطانها

أرفع الرأس يالحر القطاع
وكثر الحمد لي صانها
ديرتك من عشقها مايلام
يغضب الله على من خانها

صرخة

شعر / الأمير بدر بن عبدالمحسن

صرخة ذكرتك يوم واليوم موعود
لجل الوفا لرأعيك مو في الوعايد
كني يوقت راح حاضر وموجود
فيوم غشاه المجد عله بعاید
وكن المربع توه اليوم مشيود
جدران طين اطمام سقفه جرايد
قصر بني للعدل والطيب والجود
سوره ذري للناس وفرشه وساید
يقرا المطوع بيرق الحق بسعود
في مجلس راعيه بالوصف كايد

من حوله سيوفٍ وردن وماهود
روس الرجال اشيوخ كل البدايد
اعداه من طيبه غدو تحفه اجنود
ما حد جمع مثله بفعله ضايد
ستين عام الي مضت ياهل العود
ستين مع ستين غر محاييد
يا الله عسى قبر به الطيب ملحود
يسقي ثراه من أول الغيث جايد
الي جمعنا سهل وجبال ونجود
بعد السنين المحملات الشدايد

يادارنا عدل من الناس مارود
خيرك على الدنيا قريب ونايد
ويادارنا بابك عن الذل موصود
وزهر الفخر نبتك قديم وجدديد
وقت العسر بالدم نوفي لك اعهود
ووقت الرخا بنقول مدح وقصايد

لا تظن البطش يطفى نارنا

الشاعر الأمير / بدر بن عبدالمحسن

مع شعاع الصبح ليل زارنا
ما طوته الشمس فوق اديارنا
أسود مافيه للساري نجوم
انطفى نجمه في دمع اصغارنا
حالك طالع دامي بفيض
ما خطر مثله ابد بأفكارنا
دارنا ماذبح فجرك غريب
استباحك جيش اخونا جارنا
يحفظ الكافر عهوده مايخونه
حسبنا الله ما وفو فجارنا

يا عريب المجد لا تطري الجدود
ما بقا لك مجد وهذا عارنا
وين شمر وعنزّه وين الدليم
ويا رجال المنتفق بـ اقطارنا
إبن عمك طاح في دمه غريق
وبنت عمك ماسترها جدارنا
ماهو سلم اجدودكم هتك العروض
لا حشا لله وانتم كارنا
لا متى صدام هدام البيوت
يشتري ويبيع في اعمارنا

من رضي بالذل مايسوى العتاب
ساعدونا اليوم فكوا أوسارنا
يا فحل تكريت ماخذت الكويت
عن هوى فعلك تشوم أوصارنا
لا تحسب الظلم يا الطاغى يدوم
ولا تظن البطش يطفى نارنا
جيتنا غدر مثل قاطع طريق
هو منعك الخوف عن انذارنا
لا وطينا هامتك تشفى القلوب
الله أكبر يوم نأخذ ثارنا
العذر يادارنا مابه عذار
لا وردنا الموت هاذي اعدارنا

سعودي

شعر الأمير / بدر بن عبدالمحسن

اغبط الريح لو تحمل سحابة وسم (للصمان)
واغبط الي شرب منها واغبط الي بعد ضامي
وإلى شفت الجبل يسقي تهامة صحت في الوديان
الا ياليتني عشب على سفح الجبل نامي
احب من السما شبر اشوفه من ورا العسبان
نخيل في الحسا يفدي ثراها باقي أيامي
انا من ربعها الخالي عروقي الوادي السرحان
بلاد رملها لحمي وصم جبالها عظامي
سعودي والكريم الله انا في ديرتي سلطان
أنا في ظل شرع الي خلقني ننهج أقدامي

وقلبي مجد وصوتي على مر الزمان اذان
كساني المجد من أول شعر راسي لابرامي
احب السلم لا سلمت بلادي وكره العدوان
ولكني حلیم لین اشوف الظلم قدامي
سعودي من خلقني الله ابد ماذلني إنسان
ولا والله قد خانت عضودي سلة احسامي

بان العدو من الصديق

الشاعر الأمير / بحر بن عبدالمحسن

يادارنا عزك يدوم
ياديرة المجد العريق
لا تحملي منهم هموم
بان العدو.. من الصديق
ترابنا مثل النجوم
وحنا لعدوانك حريق
حنا هل العز القروم
مانا بقطاع الطريق
حد السيوف احدودنا
من لمسها دمه يسيل

وهذا الوطن في اجلودنا
والموت لترا به قليل
وإلى تحينا اجنودنا
من كل معروف أصيل
تشره علينا اجدودنا
إن ما غدى الباغي دليل
يا الراية الخضرا سلام
أعداد مهابت النسيم
ومن طاف في البيت الحرام
ومن زار زمزم والخطيم

الله معك سر يا الامام
في رعاية الرب العظيم
اليوم ماينفع كلام
السيف هو خصم الخصيم
ياالهون ياعكش الهدب
خلي الجزع.. كفى النحيب
يا أختنا حنا العرب
إن خابت العزة نجيب
مانا بمثل ألي كذب
الله على فعله حسيب
للحلم ساعة.. والغضب
له ساعة منها يشيب

فصل الغضب

شعر الأمير / بدر بن عبدالمحسن

للغضب غني.. دخل فصل الغضب
وماتت نخيل السماح الوارفة
واصرخي جوفك.. مضى وقت الطرب
كود صوتك.. والمدافع عازفه
بالعيون.. الي تناظر بعثب
اغسلينا بالدموع الذارفة
وكفنينا بين جفك والهدب
ودعيانا والمنايا واقفة
انتظرنا.. لين كل صبر نضب
والكويت جروح نجد النازفة

بشروا صدام.. موعدنا قرب
ليلتين.. وكل غم كاشفه
من جرحه الغبن.. يبرى لا حرب
ومن زرع ريح يحصد العاصفة
والذي عزف.. جزيرتنا العرب
ما حملنا له قلوب واجفة
كود تخشى النار من كثر الحطب
أو يهز الضلع.. غرّ حاذفه
ياكبير الرأس.. لحقوك الطلب
قصدهم ثار.. واظنك عارفه

كم غزير صاروا لذله سبب
اعتبر بأهل العصور السالفة
من يقول الحرب صعبة.. ماكذب
ولا ابتلينا.. كل صعب نوالفه
للغضب غني.. دخل فصل الغضب
وماتت نخيل السماح الوارفة

وقفنا سعودية

شعر الأمير / عبدالعزيز ابن سعود بن محمد

يامعاند الحق وقفنا سعودية
نموت موت الشرف تحيا عوايدنا
أرواحنا هي وقود النار بالهيه
أشرب من الوهم وأرجع لا تزايدنا
أسنة رماح عدوتنا كويتية
وسيو فنا بالدماء تكتب قصايدنا
نار الفهد في لهيب قلوبنا حية
إلى وصرنا على ضربتك قايدنا
سقنا ركائب عزمتنا فداويه
الصبر طوّل ولا بالصبر فايدنا

ياهل الصدق دمرتوا الكذوب

وياهل السيف قصيتوا الرقاب

شعر الأمير / بدر بن عبدالمحسن

لله الحمد.. ماهبت هبوب
وكثر نبت الفياقي والهضاب
وكثر ما يغفر لعبده ذنوب
وكثر ما عند ربي من ثواب
بأذر النصر في رحم الخطوب
لين يولد على أطراف الحراب
بانبت الشمس من عقب الغروب
سبعة أشهر وهي دائم غياب
وأسرج الليل خيله للهروب
يوم سمناه من سو العذاب

ياهل الصدق دمرتوا الكذوب
وياهل السيف قصيتوا الرقاب
وياهل الطيب فالطيب عيوب
يحسب «النذل» طيبه من عياب
قام يرسل لنا جيشه جنوب
طامع والطمع رأس الخراب
وأشعل بدارنا نار الحروب
هاقي انا في الجمرة نهاب
يا أسود الوجه ضيعت الدروب
كيف تطرد من الحديا سراب

قد نصحنك لكن ماتتوب
لين دسنا جبينك في التراب
شيخنا.. شيخنا عرش القلوب
لك.. ودارك لها عرش السحاب
ولله الحمد مهابه الهبوب
وكثر نبت الفيافي والهضاب

نبي على روسهم غارات جوية
حتى تمكن من البرقا صوايدنا
أرواحنا في سبيل الحق عاريه
والذل ماهيب تيجانه قلايدنا
ماغير دسمان ياعالم لنا نية
والعز للحي والجنة لبايدنا
وبكويت الحر مايبقى عراقية
والنصر في دار أخو مريم يعايدنا
ويعود الشعب والسلطة صباحيه
نحقق وعد خادم البيتين رايدنا

حنا حماة للحرم

شعر الأمير / عبدالعزيز بن سعود بن محمد

يا دارنا حناك من دم العدا لا تجزعين
مدي كفوفك للخضاب ونعطرك عطر الفعل
يادارنا دار النبوة والرسل والمرسلين
بفعالنا يوم الوغى بنكحل عيون نجل
دون المدينة والحرم متقاضبين باليدين
والله ماينزل بها: اللي بحرمتها يخل
من دونها الكايد إلى منا تحركنا يلين
كم خاين يهومها وليا تذكرنا يذل
خدامها القايد فهد وعبدالله العضد الأمين
وسلطان لا منه ثقل فوق المتن جور الحمل

والشعب كله والعرب من دونها والمسلمين
تجهل على اللي بالحرم تسوقه أطماع الجهل
أرواحنا نصخبها والله ولي الصالحين
ناقف ونثني للعدا في كل واردة السبل
الموت من دون الحرم نفوز به ديننا ودين
من شرب منا من حياض الموت ملزوم يعمل
بأمانها تشهد لقايدها جميع المسلمين
أقولها تسمع بها كل القلوب اللي حبل
حنا حماة للحرم من فضل رب العالمين
وأنتم حماة للفجر ياهل الدعاية والدجل

وانتم طغيتوا والطفى آخر مدار الظالمين
للبيت رب يحفظه والمطلب رب الابل
ومحمد الهادي البشير في معترك غزوة حنين
صفوان جاهد بالسيوف القاطعة هي والنبيل
كل العرب بالخطبة الي دبروها خابرين
صدام هدام العرب كذاب وأفعاله تدل
الدين من فعله بريء وأيضا وفعل الخائنين
الي تقعد بيننا ماهيب لا والله تحل
الغادر الي بالغدر يقدر فليل الأمنين
يوم يخلونه هل التوحيد من روحه يمل

زبن المجنى

شعر الأمير / عبدالعزيز بن سعود بن محمد

يا سلامي على زين المجنى
أبو فيصل زبون الموجفاني
قل لصدام جنب عن وطننا
مانريدك تجي حوله بتاتي
قل تراب الوطن نفداه حنا
دونه اللي يصدون الغزاتي
من جفاه الوطن وأرضه زبنا
واطمأن وتهنيء بالحياتي
الرياسة تبي عقل وفنا
ماتريد أهوج يبغي الشتاتي

طفل ياللي تغذى من لبننا
كيف سويت بمك ذا السواني
إن خبزتو لنا حنا عجنا
بام جنزير واحدث طائراتي
مع شباب لنا فينا ومنا
باللقا مايهابون المماتي

هذا الفهد قام

شعر / عبدالله بن سعد الجبرين

بكتب أبين ماعملته من اجرام
وإلا أنت ماتسوي كتابة قصيدة
ياخاين الجيرة ويأحرب الإسلام
ماجيت من أخضر ويابس تبيده
خف الأرامل خف دعاوى من الأيتام
كم واحدا باتت عيونه شهيده
يبكي عياله وينهم وين الأعمام
لمن نطق بالحق يومه يريده
يومه يريد العدل وانصاف الأحكام
تقطع لسانه ليه يانذل ويده

يا عِزَّ تَيْلِهِ عَالَمَ السَّلَامِ الْإِسْلَامِ
طَعَنْتَ فِي صَدْرِهِ طَعُونًا جَدِيدَةً
خَلَّ الدَّعَاوِي خَلَّ حَكِيكَ بِالْأَوْهَامِ
لَكُوَيْتَ تَعْرِفَ مِنْ قُرُونًا عَتِيدَةً
دَارَ الصَّبَاحِ الَّتِي بِهَا الْخَيْرُ عَمَامِ
تَارِيخُهَا يُثَبِّتُ عُلُومًا أَكِيدَةً
مَاهِيَبَ دَارِكَ يَانْذِلُ خَلَّ الْأَحْلَامِ
أَهِيَ لَهْلَهَا مِنْ سَنِينَا بَعِيدَةً
قَدْ كُنْتَ فِي وَقْتِنَا مَضَى خَيْرِ حُكَامِ
يَوْمَ الْقَوَافِلِ بِالذَّخَايِرِ مَدِيدِهِ

نعطيك مانبخل واتلاهن العام
يوم أن نصرك للعرب يوم عيده
اليوم عز الله فلا نتاب مقدم
مثل الخشاش إلى زين في طريقه
حن للفهد أبناء ترانا له حزام
حامي الحمى لأوى الرقاب العنيدة
الله عليك ارجع ترانا له حزام
ليمن أنه أشر للمقاديم تبيده
خلينا عاليها سوافل بأيام
ماهمنا جيشك وكيد تكيده
يا أهل الكويت استبشروا النصر قدام
وماراح من روحا تراها شهيدة

ذخر السعود مرجحين الموازين

شعر / شارع بن مرزوق العازمي العتيبي

صدام ضحكت فوق فكرك هقاويك
وخنت العهود وخنت الإسلام والدين
وعودت تطعن جارك الي تواليك
وراك ماحرت دولة فلسطين
الي ياهدام العروبة تناديك
والقدس فيها واليتامى المساكين
الله بفعالك ياخاين يجازيك
بأعمالك الشينة ياشين الهوازين
نعطيك ماتطلب وترنا نقويك
على حسن نية وثرك أبو وجهين

وهذا جزاء معروفنا يالندل فيك
شيطان والي يتبعونك شياطين
واليوم ياصدام بانت خوافيك
وبانت حقيقة كل غدار ولعين
وياالله يالي كل مخلوق يرجيك
تحفظ فهد نخر الملوك الموامين
زيزومنا حلال حبل الشرابيك
نخر السعود مرجحين الموازين
وعبدالله اليا جيت ناصيه ينجيك
وسلطان أبوخالد عدو المعادين
حكام نجد الي ذارها يذريك
يشهد لها التاريخ في العسر واللين
ويا دار حنا من عدى الدين نحميك
في ظل حاكمنا ولأمره مطيعين

فهد سديد الراي

شعر / زهران عون الله المطيري

يا الله يا اعلام في غيب الايام
يا واحد مافيه معبود غيره
ياهازم الكفار عباد الأصنام
ويا عالم بالبينه والسريرة
يدعيك من صلى ويدعيك من صام
ويدعيك من يرجيك في كل ديره
يا الله تورينا العجائب بصدام
الطاغية راع النوايا الشريره
جنده.. ومايعباه. من غازه السام
يا الله يامعبود يمه تديره

لا قام حضه بايق الجار لا قام
حقير وجنود تطيعه حقيره
ماله علاقة بالعروبة والإسلام
من خان ميعاده وباق بقصيره
جار مسند له على طول الأعوام
من صادق النية وصافي ضميره
يخشى عليه أنه من الضدينضام
يمد له جزل العطايا بريره
هذا جزاه اليوم من عند هدام
يحتاج داره بالجيش الفقيه
من غير ماتفعل جحافلة الأقزام
مدججين ويحملون الذخيرة

ويعاملون الناس بأنواع الاجرام
وغير انتهاك العرض أشياء كثيرة
والظالم الي للمخاليق ظلام
لابد من يوم يحدد مصيره
وغضب على صدام واعوان صدام
كويتنا ترجع وجابر أميره
بأمر المليك مذل كل الاخصام
فهد سديد الرأي صقر الجزيرة
مليكننا الي بالمهمات مقدم
حلال صعوبات الأمور العسيرة
حاكم حكيم ومن مشاهير حكام
له في قلوب الشعب قيمة كبيرة
وصلاة ربي عد ماتخط الأقلام
على نبينا ما نخالف مسيره

الله أكبر

شعر / مهاجر

الله أكبر ناذرين أرواحنا دون البلاد
يوم نادانا المنادي عزنا صوت الجهاد
ياملك حنا على خبرك وزود
دونك أحافد الرجال الوافية
حافرين في ضمايرنا عهود
لآل مقرن والنوايا صافية
في سبيل الله نويننا بالجهاد
مملكنا حرة عاشت مصانة
يوم أبو تركي رسم حدانها
في صميم قلوبنا حفظت أمانة

دونها نرخص ويعلى شأنها
من يبور بموطنه يحل رماد
التطوع دون ماكرنا شرف
موطن البيتين ذروتنا ذراه
ياهبيل الرأي. مال الي عرف
يخبرك كم عادى دفن بثره
قوة الله فوقك دون البلاد

ابتسم ياوطن

شعر/ سعد زهير الشمراني

ياوطن عشت لعروقي دماء ومداد
عشت الأرض اليباب الجرد غيث ومطر
عاش حب تسامى في عيونك وزاد
وعاش صوتك يحطك في حروفه مقرر
يا وطن.. والله أنا عن ترابك حصاد
ما نساوم على حفنة تراب تذر
ابتسم ياوطن دونك أيادي الجهاد
قادها القائد الميمون باسم النصر
قيمة الموت تكمن في جهاد البلاد
والا فالموت في العادة قضاء وقدر
كلنا ياوطن من دون رملك عماد

ندحر المعتدي لو طال درب السفر
يا وطن «ودع الله»!! واحتزم بالعتاد
خلك الصبح الأبيض وانفتاح الزهر
وخل للمعتدي وجهة لدرب الرماد
وطغمه الشر تلعن حظه الي عثر
ياوطن لك علينا حق وقت الشداد
ما ندينك ولو بعنك كل العمر
وانت يا الي صباحك مكتسي بالسواد
وامتدادك ملطخ من دماء البشر
يامساء الجحيم ويامساء الكساد
صخرة الشام تبقى تلعنك والحجر
يامساء الفجيعة خيمتك تستباد
وانت تنهك حقوق الجار قبل السحر
يامساء الفضيحة: كلهم في حداد
وانت في سلسلة قتل القيم مستمر

فهد.. فهدنا

شعر / فلاح عبدالله الماجد العربي

يا لله يالي قصد بابك اکتال
ياواحدا فردا صمد ماينامي
تلطم عدو الدين سلاب الأموال
صدام صار بجو داره کتامي
بدءا بهتك العرض ماهو برجال
مبداه شين وكل دربه هدامي
شرد نساء بوكهول وأیتام وأطفال
وقام يتجول يوم شال الوسامي
أكل حرام وذاق علقم ولازال
يأكل حرام وماشين بالحرامي
حسيت يا صدام ياسيد الانذال
وإلى نهق لسانك دوم ظامي

شبيه هتلر صرف واصبحت محتال
تنظر بعين وعين فيها كلامي
وحطيت لك وجهين بالطاغي الظال
وجها حسين وجه كله ظلامي
دنست يدك وقرب اليوم بنزال
عبدك وعهد إلى بصفك يحامي
أناشيد الشعب العراقي عن الحال
يخلص من الدجال بأسرع مقامي
أخفوه تحت الأرض تكفون يارجال
وأنتم هل الشيمة ودرب السلامي
تحشد علينا جيشك وجيت تحتال
على أرضنا ما انته بقدر المقامي

هو نسي ما نعطيهِ من قوة ومال
وأخذ ثمان اسنين والحرب حامي
في ظل منهو صار للمملكة ضلال
فهد فهدنا يوم ضرب السهامي
وولي عهده للصعوبات حمال
يشيلها من انكسار وضرامي
والنائب الثاني ليقال فعال
امشوا بنا والنصر رفرف وقامي
حنا لكم ياسيدي سيوف بلحال
أمشوبنا والنصر رفرف وقامي

يانكسة

شعر الدكتور / عبدالله بن محمد الفيصل

يانكسة من هولها تحترق النفوس
وصدمة من هولها تحطمت رؤوس
عشنا ندق الطبل نزرع الأمانى
ونطعم الأرواح حربنا الضروس
ونقذف الريال والدينار والغوالي
من قوتنا من خبزنا فلوس
يدفعنا ايماننا بأنها
حرب جهاد نتقي بها مجوس
يدفعنا ايماننا بأنها
حرب انتقام قادها حقد عبوس

كل الشعب اليوم شباب وعيال
بأمرك تشيل الأسلحة والحزامي
هذا واصل كل ما هل همال
علي نبي ساعين للسلامي

عقد زمان اسود لم ينته
إلا وشيب الشعر للرأس لبوس
منا صمود وسخاء ودعاء
أسقت عدو الله سمنا كؤس
واستبشرت أروحنا بنصرنا
واخضر عود العز في النفوس
لموعد ثان رنت أمالنا
القدس تدعو لا يطل بنا الجلوس
وصدقت أذاننا سذاجة
بأن بغداد ستطلق الرؤوس
من قاهر وظافر وعفلق
تمحو احتلال الكفر تقطع الرؤوس

لكنها ياحسرتي تكشفت
عما أعادنا لحقبة البسوس
دكت جيوش البغي في طغيانها
كويتنا فأصبحت رموس
وشردت سكانها وأهلها
في الصفاة جيشها يدوس
ولم تراع جيرة أو ملة
فربما تلك لبعثهم طقوس
واشعلت في أرضنا حريقة
إن طفئت يبقى رمادها يحوس
وإن أراد الله نصلى نارها
فالحرب حرب نارها ضروس

في حين عين اليأس تشرب دمها
ويستفيق الشادر المكبوس
تضاعفت نكستنا بمثلها
واستسلم البغي للمجوس
أهدرت أرواح من ضحوا بها
ما أرخص الأرواح كالناموس
ودفنت مباديء نادوا بها
قد خلعت كخلعة الملبوس
ووصف الأعداء حمقا بالاخاء
والأخ صار الاجرب المنحوس
في محنة كهذه ليس لنا
إلا الدعاء لخالق النفوس
بأن يقينا الله في أوطاننا
وأن يدوم ديننا محروس
وأن نقوي الصف صفا واحدا
خلف المليك في دجى وشموس

دستورنا القرآن

شعر / عبدالله نايف العربي

دستورنا القرآن والدين والإسلام
ونمشي على السُّنة وهذى حقيقة
حقيقة كل نشرها بالاعلام
صديقنا يفرح وغيره بضيقه
ومليكننا يمشي على العز قدام
وحنا على ممشاه نمشي طريقه
ولا هم أبوفصيل خرافات صدام
والسيف للغادر تلامع بريقه
وتحطمت كل الحواجز تحطام
وتوسعت كل الدروب المضيقه

وبانت خفايا الحقد مع مر الأيام
وبان اللئيم وبان منهو صديقه
واللي يضع واضح الحق بأوهام
الله يشئت بها الهزيمة فريقه
صدام من فعلك نسيمك هدام
أنت الحطب وان كان شبت حريقه
منك الكويت وشعبه اليوم منظام
وحطمت بأفعالك علاقة وثيقة
فصلت لك ثوب من الذل وأكمام
ونفسك تراها بالخيانة عميقة

نسيت منهو ساعة الضيق مقدام
والي نسي المعروف ربي يعيقه
اطفال من غدرك لقو حزن الأيتام
وأم توفت في دماها غريقه
وشياب تقتلهم والأجواد نيام
دم البريء وشلون ترضى تريقه
نسيت فزعتهم لك أعوام وأعوام
ماكنهم وقفوا بدعمك دقيقة
يبقى مصيرك يوم بالشين قدام
يالي تمايل عن طريق الحقيقه

كلنا يا المملكة نرخص فداك

شعر / عمر حكيمي

اللي خلق شمس وقمر يحمى ثراك
ياالمملكة يانور عين المسلمين
حنا لك ياالمملكة نرخص فداك
وتبقى انتي شامخة طول السنين
الملك عبدالعزيز طهر ثراك
بعد ماكنتي بلاد الجاهلين
محي منك الظلم وبالحكمة رعاك
وخلف من بعده رجال فاهمين
الملك سعود من صقرك شكراك
واخلفه قايد على الحكمة فطين

الملك فيصل على الأمة قراك
وأبعدك عن درب كل الغادرين
خلا القريب الي بعيد يمدح ثراك
بحكمة الفيصل حنا شاهدين
كلنا لازم نموت ويبقى ثراك
معززة مكرمة في أطهرا دين
الملك خالد جاولبا نذاك
خلا أرضك مزهرة بالبساتين
عطرك ياغالية وجدد رداك
وخلا القصور العالية فيك تبين

طاقته وراحته وعمره هداك
وسلمك معززة لقايد أمين
الفهد بين وبالبسمة أجاك
عشق الفهد لتربيتك عشق متين
بدل اسمه الغالي يبغى رضاك
وكبر باسمه الجديد المؤمنين
واعتنا بك فهدنا وزود حلاك
وقال لك أطلبني اش باقي تبين
مليكننا يافهدنا الله معاك
ينصرك ربي على الحاسدين

وللفهد نائب يتمنى هناك
مستشار الفهد وعضده الأمين
قايد حرسنا الوطني في قلبه غلاك
والحرس عنده به العاصي يلين
والنائب الثاني سلطان تلاك
ياالمملكة قصة وفاء في كلمتين
رضى الاله الواحد ثم حماك
وزير الدفاع لك حب وحنين
وكلنا يالمملكة نرخص فداك
بس تبقي شامخة طول السنين

الفهد ما حظ فيه مساومات

شعر / ناصر بن حمد بن سهد المري

اذكر الله عد من صام وسجد
عد وبل من أمزون مرزمات
يا الله ياللي نرتجي منك المدد
ياولي الناس رب الكاينات
يا اله الناس يالفرد الصمد
عالم غيب السنين المقبلات
اكفنا شر الحسود اذا حسد
والنوايا للفساد امبيات
نعترف ماغير جهد الله جهد
عارف بالبينه والخافيات

رافع سبع تقام ابلا عمد
بأمره النافذ يحل الكايدات
ما نساوم فالكويت المضطهد
الفهد ماحط فيه مساومات
قال يرجع ثم يرجع وستعد
بالدروع الهائلة والطائرات
خانها صدام خوان العهد
خاين الجيران راعي المشكلات
لا يغره كثر جيشه والعدد
نطلب الله بالمعونة والثبات

بالدروع الي لها برق ورعد
مع صواريخ تعبر القارات
منكر المعروف للماضي جحد
منكر كل العلوم الطيبات
اللئيم ابن اللئيم المستبد
يحسبن الدين ترك الواجبات
خبروا صدام لا يتنا الوعد
خبروه يتوب قدام الممات
يعترف بالذل ويطيع الفهد
دام في حل السلام محاولات

قبل أبو فيصل يجرعه النكد
تضربه أسراب من كل الجهات
ودام أبو فيصل لنا ذخرو سند
ماعلينا منك ياراس الطغات
كل من ينطق على ظلمك شهد
لا عفا الله عنك يانادي العرات
جمعتك يالكاولي يوم الأحد
الكفر ما عاد لك منه برات
وشعبك المظلوم من ظلمك همد
وأحسايف شعب دجلة والفرات
حن هل التوحيد لله نستند
وسنة محمد عليه أزكا صلات

نحمد اللي عزنا بنصر مبين

شعر/ هایل الایدا،

توازن القول والحكى الثمين
عقب كسح جيوشنا لجيش العداة
الله أكبر فوقكم ياخاينين
الله أكبر نصرنا زعزع هواه
براية التوحيد حنا مهتدين
ربنا المعبود مانخشى سواه
هازب الأحزاب نصر المؤمنین
مُنزَّل الفرقان من سبع سماه
نحمد اللي عزنا بنصر مبين
وعاننا على الشرادم والطفاة

الأقزام اللي علينا معتدين
مادروا إن الوطن نحمي حماه
للمعارك والمنازل جاهزين
وإلى غزانا المعتدي نلعن ثواه
اعتديتوا ونهزمتم خاسرين
وبالملاقا جيشكم سالت دماه
احشروكم من يسار ومن يمين
ماحصل لك لا هروب ولا نجاه
الخلا عن دارنا يالطامعين
دارنا مصيونة مثل الفتاه

دارنا حامينها بسيف سنين
بكف أبو فيصل وشعبه من وراه
وآل سعود إلى دعاهم حاضرين
أسرة متكاتفة بإذن الاله
المليك اللي ظهر رايه سمين
بالسياسة طور المجد وبناه
عاش أبو فيصل إمام المسلمين
ماشيا بالدين واخوانه معاه
للجزيرة والعرب درع حصين
الله انه دايم يسدد خطاه

صيرمي أودع القاسي يلين
وتشهد العالم على حنكة دهاه
الفهد عاد الكويت وله ضمين
عاده عافا على كل خصماه
أسعدي ياكويت بالفرحة سنين
والبسي ثوب المعزة والرفاه
أفرحي ياكويت رغم الحاسدين
وأرفعي رايات عزك في فضاء
انتصرتي عقب كيد الغاشمين
واندحر صدام وأعوانه قفاه

يحسب أنا من جنوده خايفين
ما درى أنا مطوعين للعصاه
لعنة التاريخ لبليس اللعين
طاغية بغداد ربه ماهداه
بشاية المعبود حنا الرابعين
وخاسر الي دور الشر وبداه
وكلنا لنا الفخر يالسامعين
بالمليك الي رعى الشعب وحماه
وجهروا باسم النبي يامؤمنين
من سمع للقول والأمن قراه

روح روعي انطقي

شعر ملازم مظلي / عبدالرحمن أبو محروس

اغربي يا شمس ربي واشرقني
واستمرري في مسيرك يا ثوان
والله اني ثابت في منطقي
رأسي المركب على شط الأمان
العقيدة نورها في مفرقي
ربي الله واحد مافيه ثان
قوة ايماني بربي.. تستقي
نورها من هدى مرسول الإيمان
«الشهادة» مطلب لنا نرتقي
بالجهاد اندنس خشوم الجبان
ربي الله روح روعي انطقي
خبريهم.. كل مايخفون بان

وانكشف ستر الي ابنفسه شقي
الذليل الي مخادعنا زمان
يانفوس الشر من فعلك نقي
ذل فوقه ذل، والكاذب مهان
ياطيور السود قومي وانعقي
فوقهم.. قولي ليهم خسروا الرهان
ياوطن روعي دليل لموثقي
بحمل اسلاحي وبامتطي الحصان
ياوطن لك نبضة في خافقي
يانغم عشق يردده اللسان
ياوطن هذا القلم وهذا أورقي
يشهد اني مقصر بوفي المعان
مير هذا شيء من واحد بقي
حامل لك.. ياوطن غالي مصان

زعيم دولة كل مسلم يطيعه رأيه رشيد وفيه حلم ورويه

شعر / مازن بن بريكان العتيبي

عاش الفهد الي حكم بالشرعية
حكم الله الي مرسل به نبيه
شيخ بطبعه مايحب الخديعة
ولا قط جات الجار منه اذيه
خيره يعم أرض الله الي وسيعه
دعم وصلة وشيء يقدم هديه
منهج بلاده دائما في الطليعة
اسلام ماهو منهج الجاهلية
عدل ووفاء وان جات فزعة سريعة
وليا عزم بالله جهوده قوية

زعيم دولة كل مسلم يطيعه
رايه رشيد وفيه حلم وروية
وإن شبت الفتنة وصارت شنيعة
يرد كيد أهل العلوم الردية
ما هادن اللي خالف أمر الشريعة
يشب له نار توقف نويه
ولا عاشر النسام وأهل الوقية
اللي يبون من الغنيمة حذية
من باع دينه بالخيانة يبيعه
ما جامل الخائن وجامل خويه

من هازنا بأسلوب مكر وخديعة
وصار يتجاهلنا بخبث الطوية
حامت عليه القاذفات السريعة
وجيناه بأسباب الدمار القوية
واللي غدر في جارتنا مانطيعه
نعطيه درس في السلوك السوية
صدام قلت انك تحفظ الوديعة
وخنت العهد والجار وأهل الحمية
نقها بكبدك ثم حس الفجيعة
جراك من عند الرجال الوفيه

الله يجازي نقيض العهد

شعر / حسين عبد المطلوب أبو هلال

الله يجازي نقيض العهد
اللي محافظ على عهده
صدام يبدأ اسمه بهد
ولا يعرف الحق ومنقوده
اية عروبة واية وعد
لما غزا الربع بجنوده
واستنكر الكل فعل الوغد
والناس من فعله ملهوده
واحنا فدا للوطن والفهد
ماهي غريبة ومعهودة

جميعنا رافعين اليد
يارب لا تضيع جهوده
اللي سقانا من ايده شهد
والأمن شاهد من اشهوده
من خاب من يقصده والقصد
الطيب من عادته وجوده
وعبدالعزيز نعم الجد
خلف رجايل موجوده

فهد ملكنا فوق كل الدعايات

شعر/ ناصر ظاهر الجور الجهني

أبدى كلامي باسم رب السماوات
الكيد الي يكيد كيد المكيد
نادى مبارك عبر صوت الاذاعات
مستنجد العربان حسب العوايد
وقبله فهد نادى جميع القيادات
وصوته على صفحات كل الجرايد
وين العرب وكويتنا شعبها بات
من غزوة التتار شد الشدايد
فروا إلى الصحراء في حر الأوقات
وغيرهم ماتوا عوائل شهايد

اجتاحها هدام فخلال ساعات
بحشود مية ألف ضابط ورايد
ياخاين الجيران مالك أمانات
يا دكتاتور العصر مالك مؤايد
مثلك مثل هتلر فعهد الحكومات
الغاب حكمه راح ماهو بعايد
لكن بعون الله ماتب خطوات
سارت جميع الدرب صوبك سدايد
وخافير واقف عند خمسة قرارات
فيها لشعب الرافدين الفوايد

والمملكة أرض الكرم والبطولات
يلجأ المظلوم وقت الشدايد
أنعم عليها الله بحكم السعودات
قاموا بحكم الشرع والأمن سايـد
وفهد ملكنا فوق كل الدعايات
أمرك يابوف يصل وسام وقلـايد
الشعب كله تحت رهن الاشارات
وشعب الجزيرة بقوة العزم زايد
ماهمنا غاشم يهدد بغازات
لجل الوطن والدين نوقد وقايد
وختامها أركى صلاة وسلامات
على محمد في ختام القصايد

شيء خرافي يحصل اليوم يا اخوان

شعر / محمد ناصر الأسمرى

ضاع الوفا مادمت والجار عدوان
واشلون أنام الليل والجار صاحي
وش صار بالدنيا تجاريح وجدان
واش صار في برج الفلك والرياحي
واشلون اعاهد صاحبي عهد وايمان
وفي نومته أشهر عليه السلاح
شيء خرافي يحصل اليوم يا اخوان
مامن أمان اللي يقوله مزاحي
اللي يشوف اللي حصل بين الاخوان
أكيد مايرضى لأرض الصباحي

صدام يصدم كل من قال إنسان
من فعلته كل سمعها وطلحي
محدث رضاها من سعودي وعدوان
كل العرب محدث عطاها مباحي
واشلون لو ما الكون به عدل وميزان
ماكان باقي بالثرى شخص صاحي
ان كان بالكون زهر وبستان
ومحدث سقاها مايدوم اللقاحي
واشلون أقابل خير جارى بنكران
وارد معروفه بكثرة جراحي

انا بلا ريعي ضعيف وخسران
ومالي سواهم لو يطول النياحي
ما باقى المعنى ولو قلت ديوان
ومايفيد صوتي لو نثرت الصياحي

بطاقة

شعر / عبدالله السلوم

واحننا لقايد شعبنا درع وحزام
اليا ومرنا كلنا ناصرينه
ونفدى وطننا بالكاسب والاجسام
تراب الوطن بأرواحنا مفتدينه
عشنا بخير وعز وافراح وانعام
في ظل حكم كلنا مرتضينه
ركيزته بنيت على دين الإسلام
تشهد عليه أم القرى والمدينة
أبشر يا أبوفیصل لنا عهد وذمام
نافي بها وانتة تقود السفينة
واسلم ودم عزك لنا تاج ووسام
يرعاك من يرعى الخاليق بعينه

مكة وطيبة لنا

شعر / معيض بن ناصر بن هزال السبيعي

يا الله طلبناك بولها وبتلاها
يامكون الكون والأمة يدبرها
محيي العظام الرميمة بعد مفناها
والى تحت لرض فوق الأرض تظهرها
تعز حكامنا وتسدد اخطاها
حكامنا الى فخرنا من مفاخرها
حكامنا مايعيش الى يتحدها
وفعولهم صفحته التاريخ سطرها
مكة وطيبة لنا يلي تمنها
نبني المساجد ونذن في منابرها

بقيادة الفهد نخدمها ونحماها
عن كل مجرم يدنسها نطهرها
ولي عهده يميننا لأعد مناها
لريا الحميدة برأسه مايدورها
يادار ياللي بغالي الروح نفداها
بالدم ورواحنا منا بنذخرها
دار أبوفصيل من أقصاها الى ادناها
من فضل ربي على السنة معمرها
نحب من حبها ونعادي أعادها
ونفخر بتاريخ ماضيها وحاضرها

ياللي تبي دارنا منته بويها
عنها الشوارب ليطات تقصرها
شعبا ليا ناداته نادى وليها
مايقبل النوم لا من شأن خاطرها
الله ما حلى روابيها ومحلاها
ومصايفنا يشرح خاطر مناظرها
حنا جبال تزين كل من جاها
تبي تشيل الجبال ولانت قادرها
كنا نصوب تجيء من صوب منشاهها
بسيل اليا جاء السدود الصم فجرها

صدام خربا نجودها بعلباها
ننتف لها الريش والجنحان نكرها
فزعاتنا يوم حرب الفرس تنساها
يوما الأرزاق ماتوقف مواترها
هديتك عندنا تلقاها
مدافعا يحرقك صالي ذخايرها
الى غزاء للكويت وشرد نساها
في تالي الليل خاينها وغادرها
تسلب وتنهب فلوس الشعب وغذاها
حتى العجايز تفتش في صرايرها

يمنك من دم شعبك بان حناها
أم الكباير كثيرات كبايرها
شعبك بريء منك ياخاين رعاياها
تذبح من الشعب وتملي مقابرها
عيبا على أهل العراق تبين لحاها
إلى تخليك تنهاها وتأمرها
صحايفك سود لى عنك يقرأها
وجرايمك كل من فى الأرض صورها

أنت عزى يا بلاد المسلمين

شعر / يحيى يوسف الضماري

راية التوحيد لبلادي علم
شرعنا القرآن والحق المبين
عدلنا الانصاف والحكمة قلم
منبع الايمان قبلة مسلمين
مملكنا الغالية بين الأمم
تعلن الإسلام بين المؤمنين
ياسعودية يا أرض الكرم
تحت ظل الفهد دايم آمنين
من زرع أرضك حافي القدم
يحصد الخيرات من تعب الجبين

من رفع رايات مجدك واعتصم
خالد الإيمان بأرض الطاهرين
ومن تعدى عليك تبلاه النقم
قوة الله فوق كل العارفين
ضيفنا نستقبله بعز وشيم
والعدو نردعه بسيف متين
أرضنا أرض الطهارة من قدم
يشهد التاريخ بعث المرسلين
فيها مكة والمدينة والحرم
فيها سيد الخلق في قبره دفين
كل شعبك يابلاذي لك همم
مع رجالك نحرز النصر المبين

أنت فخري يابلادي وانعم
وأنت عزي يابلاذ المسلمين
يابلاذ واصلي بفخر وعزم
في ظل قادة للحرم خادمين
لنا يمين يابلادي بالقسم
نصون أرضك من أيادي العابثين
من شعر رأسي إلى موطيء القدم
حبك في قلبي كل يوم يزين
الله يرزق مملكتنا بالنعمة
ويحميها ربي من شرور الحاسدين
آخر كلامي صلوا على نبي الأمم
على رسول الله الهادي الأمين

حنا هل.. التوحيد.. وأهل العمود

شعر / مرزوق بن عايض الثقفي

بديت بسم الله راع الفضيلة
الي يعم بحرمة كل الأعياد
رب خلق خلقه وكل أو جيله
ورب فرض كل المواثيق ميعاد
سبحانه المعبود وله الوسيلة
وحنا نفوز بكلمة الله عباد
مهزوم ياصدام بايق عميله
يخاين الجيران بواق الأعهاد
الخابن اللي فعلته مستحيله
مثل يهودي يوم بالمعصية زاد

نسا التعاون ونتساء بالجميلة
والبر منا كيف في النذل مافاد
أو حكامنا تعطي عطايا جزيلة
وحكامنا نور على كل الابلاد
النذل لو تعطيه يزداد كيـله
بوادر بالمعروف لو كان هداد
زيحوه يهل المجد وهل النفيلة
وكل العروبية حكومات وأفراد
هبو قليل الخوف غاوى دليـله
الضايـع الي من تلاقـيح بغداد

يموت صدام الكفريا زميله
خل العرب ترتاح ياغاوي الارشاد
أو حكامنا ميکارهم بالطويلة
أو من كاید الابطال زادوه بکیاد
حکامنا ذاخرا لصقر الجزيرة
أشأوسا دایم لهم فخر ومجاد
فهد ملکنا مايشبه بغيره
وخوانه الحکام مندون عداد
بیمانهم بیض السیوف الصقيلة
الحکمهم تاریخ من عصر الأجداد
وحنا هل التوحید شعب وقبيلة
هل العهود الی قديمات وجداد

سلام يا أهل الجزيرة!!

شعر / كريدي فهد القانوس السبيعي

سلام يا أبطال الجزيرة هل الكار
ياملوكنا يادروع كل الجزيرة
ياخوان نورة ياطويلين الأشبار
يالي تشوفون العظام صغيرة
ما خصكم بالاسم شيبان وصغار
مع منهج القائد حكيم المسيرة
منهج فهد مسق العدو كأس الأمرار
سم على كبد العدو له سعية
يوفي بعهد الله الاصار ماصار
والي يمس الدين يعمى بصيرة

يانصرت التوحيد حماية الدار
أهل الكرم وأهل الوجيه السفيرة
خير على صاحب وشر للشرار
عدوكم نومه يفارق نظيره
شعب يسير مع الفهد وين ماسار
متجندين ومتعبين الذخيرة
شعب وفي مهوب خاين وبوار
الدين والسنة مباديء ضميره
شعب غيور وبالمهمات مغوار
تاريخه الماضي يكود تعبيره

بوامر القادة هل الدين الأبرار
شجرة وفا من رأس صقر الجزيرة
أنتم عمود الدين حماية الجار
أنتم هل العادات عز القصيرة
دار الكويت أنتم لها درع وأسوار
عساه سور ما يبدل ببغيره
موقف وفا لهل الوفا سر وجهار
آل الصباح الي اخوان وعشيرة
موقف مشرف ما قدمت فيه الأعذار
طلايعه جيش يزلزل هديره

حركتو القوات في كل الأقطار
في مقدمة جيش السعودي نظيره
جيش يحاسب كل خاين وغدار
على الجرائم وانتهاك القصيرة
يضيف عليه من القذايف لهب نار
لين المهيب يروح يلعن مشيره
صدام وأعوانه هل الظلم والعار
اللي نسوا جزل العطاء والبريرة
روس نشئت بالشرك ذله وفجار
روس على خبث الدسايس خيرة

يا زمرة الطاغوت مفتاح الاخطار
الله وكبر بالنفوس الحقيرة
لبيك ثم لبيك يا لوالد البار
يا لقائد الأعلام زعيم المسيرة
يا فيصلي يا لحد يانسل الأحرار
يشهد لك التاريخ في كل ديرة
يانصرة المظلوم ياساس الافخار
يا زين مذهب عضامه كسيرة
تكف يا بوفصيل نبي ناخذ الثار
من راس طاغية العراق الكبيرة

تحية أمجاد واكبار

شعر / فيصل بن عبيد الله الحيدري

اليكم ياخادم الحرمين تحية أمجاد واكبار
بينائكم الشامخ للحرمين الذي لا يخفى عن الأبصار
وقفتم موقف النبل حيال الإسلام والجار
حافظتم على البلاد والحرمين وقهرتم الحساد والأشرار
قدمتم الكثير من أجل راحة شعبكم وعندكم سائر الأسرار
بكم سير موكب الإسلام بتاج الهدى وتاج الفخار
اضأتم يافهد شمعة العلم وبينتم بديع الصانع البار
فتفتحت العقول ونارت القلوب فأنت أساس كل ازدهار
نثرتم الحب على شعبكم وجيرانكم يتدفق كأنهار وبحار
حبكم مزروع في القلب والوجدان منذ نعومة الأظفار
حكيم آل سعود يلهب القلب فينطق قبل اللسان بافتخار
فلا حكم قبلكم آل سعود ولا بعدكم نرضى فلكم المحبة ونفديكم بالأعمار

حياكم الله آل سعود بنعمة لا تزول ولا تزال باستمرار
فدياركم ديار كرم وجود وبكم آل سعود تضرب الأشعار
فهد فهد عاش فهد للأهل للأوطان بكل فخر
اسمكم يافهد فيه كل معاني الخير والحكمة وتناقلت باسمكم الأخبار
الفا - فاندتكم عمت العالم كله وتلاأت كالأقمار
الها - هديتم الأمة بسياستكم الحكيمة إلى الإسلام بالرأي بالتبارى
الدال - دليتم البشرية على طريق الحق والصدق وواجب الأحرار
قاعدتكم ياخادم الحرمين الشريفين أساسها العز للإسلام باكبار
سيرتم الشعب على قاعدتكم الحكيمة وجنيتهم الثمار
استقبلتم الجار وجعلتموه في بلادكم صاحب الدار والديار
فانت قائد المسلمين صاحب المروءة ومعمّر البلدان وساحق الأشرار
رفضتم التقييد بالغدر وتقديتم بالحق بالصدق وصنتم دم الأحرار
عشت يا أبافيصل للأوطان ذخرا وتربعت على كرسي بلذخ المقدار

الفهد صقر يفكر بالصعود

شعر / حسن بن سالم العطويز

طلبت الله واجب نبدا بها
اطلب الله عد براق يقود
عد كبر السيل وتفويض السدود
يشمل الديرة يعم أشعابها
بعد ذا فكرت والعالم رقود
عزتي للعين مما صابها
قومها صدام خوان العهد
خيانتة تو الملاء يدرابها
عزوته علوكيت غزوات الحسود
مالهم ذنب يجر أسبابها

نسى معروف الكويت وآل السعد
في الدفاتر شاهدا كتابها
كيف يذبح لبرياء رجلا حقود
منك يا صدام وأنت أسبابها
رملوا الزينات صافين الخدود
حيزت من رجلها وقرابها
هاتك لعراض يا وجدى وجود
سالباً لموال ثم قفا بها
مايسوي قصته حتى اليهود
والبنوك أمكسرا أبوابها
عند مجلس لمن والعالم شهود
حجته ماعاد يعرف بابها

حنا على ديارنا نحمي الحدود
وبالنفوس مانحسب أحسابها
لو نخانا الفهد حنا له أجنود
كلمة التوحيد واحنا أصحابها
الفهد صقر يفكر في الصمود
وإن نزل ينزل بروس أهضابها
عندنا للصبر حدا ومحدود
وحنا رجال المعركة ودرايها
مثل ماقدم خلف حنا علىعهد
في القصيدة شاقني من جابها
المعذرة لو حصل نقص وزود
حيث قلبي من الحماسة جابها

شرف الموت

شعر / برجس بن علي بن سعود السهلي

رايد مسيرتنا لا لوح اليد
حنا جنود من صلايب جدوده
فهد الفهد والعهد منا تجدد
الشعب جدد مع مليكه عهوده
يابوفيصل ذروت السيف الاجرد
شعبك وفي فالحرب تاقف يسوده
أضرب بكفك في نحر من تهدد
خمسین عاما مايعوض ردوده
صرخة ندا منها عدانا تراعد
إن كان قمنا للقيامة نقوده

نضرب على كبد العدو لا تعند
غارة ضحى صدام يفقد وجوده
والله مانسمح بشبر من الخد
لا والذي ينشي سحايب رعوده
قواتنا قامت تحاشد على الحد
جيش السعودي ماتدانس حدوده
جيش لا يامنه رفع راية الجد
تقدم على حوض المنايا جنوده
فالراية الخضرا عن الدرب ماصد
الموت واحد والشرف في صموده

تاريخنا من ساس جد على جد
حنا حماة الدين وانا عموده
يا حيف يا شعب العراقي تعقد
شعبا تدهور يوم وفـت بنوده
احـد وقود الحرب وحـدا مشرد
خنـجر طغا صدام تطعن عضوده
يا شعب لا ترضون من حكمة أسود
سوه على جاره وجنب يهوده
خطط له الشيطان مجرم وملحد
والله كشف لنا خبايـث يهوده

وان قاله الله راحت أحزابه أبدد
عمى البصائر ماتفيدة جهوده
يعيش من جود على ظهره الشد
وأصبح ربيعة وين طيبة وجوده
ومن لا يعدى عن حياضه على العد
يؤخذ ويفرح بالهزيمة حسوده
تو الليالي علمتنا هل الحقد
أهل الدسايس من جلود القروده
وختامها صلوا على اللي تهجد
على نبين سنته لمعبوده

حنا حماة الدين

شعر/ سالم العنزي

ياخادم البيتين يا عز الإسلام
الى ان عقد عقد بحزمك تحله
حنا حماة الدين والدرب قدام
والشعب بايعكم على الحرب كله
ما همنا ياسيدي قول صدام
الله كريم وكل طاغي يذله
الطاغي الحاكم بتخويف واعدام
ويدين في دين على غير مله
نفسه معودها على فعل الاجرام
واليوم سيفه ضد الإسلام سله

داس الكرامة والشهامة بالأقدام
وقالوا تراجع قال للناس لله
فعل فعل عند العرب كنها أحلام
أهل الوطن كل طلع من محله
أدانه الي حامي مجد الأهرام
حسني مبارك وأعلنه بالمجلة
ونادا بعالي الصوت في حق الإسلام
قال انسحب والا الخطر جاك كله
وأدانه العالم على فعل الاجرام
وصارت جريمته واضحة في سجله

يا مطاوع لابلـيس لابلـد تنضام
ولابلـد ماتمشي بدرب المذلة
أمن أول نحسبك شهم ومقدام
واليوم بانـت داخل القلب علـه
يالباغي الطاغي وسموك هدام
دمعك على مجدا هدمتوه هلـه
وصلاة ربي عد حرف بالأقلام
على نبي وضـح الحق كلـه

آمر.. واحنا على أمرك

شعر / عبد الله الرشود

شعبك الواعي.. يابوفيصل معك

رافع الراية يلبي ماتريد

يتبعك في كل خطوة.. يتبعك

كل فرد جازم إن رأيك سديد

ياماكننا.. لو تحرك مصبعك

كل من حولك يجي يمك سنيد

يدفعه ايمانه.. اللي يدفعك

ما أنثنى عزمه.. ولو لان الحديد

حكمتك في كل محفل ترفعك

ما حسبت حساب من راسه عنيد

آمر.. وحنا على أمرك نسمعك
نوقف بلحظة معك.. وقفة عبيد
الوطن غالي.. وعزه مطمعك
وعزنا من عز موطننا أكيد
عن تراب أرض الوطن من يمنعك
كلنا له يافهد.. والله شهيد

حب الوطن

شعر / عبد الله المطيري

بسم الله العالي على كل عالي
اللي بسط سبع وسبع رفعها
حب الوطن واجب على كل حالي
اخلاص ماهي بدعة نبتدعها
نفدي الوطن بارواحنا والحالي
ونسد عين الطامع اللي طمعها
هذي عوايدنا على أول وتالي
عادات ناس قبلنا نتبعها
في ظل أبوتركي سنين وليالي
يوم الجزيرة من عداها انتزعها

بالسيف الأملح غصب مابه جدالي
اقلاعه يوم الملقى قلعهها
وشامت لابو تركي جنوب وشمالي
له هيبة بقلوب الاعداء زرعها
عقب حرار حكمها بالعدالي
على شريعة ربنا الي شرعها
وليوم حاكمها فهد لا يبيالي
قلوب عدوان الشريعة فجعهها
حلالها وان شربكن الحبالي
ومن مد له يمناه عوجا قطعها

ومن مدل له عدله حشيم وغالي
يلقى مواجيب الرجال وسنعا
وولي عهده وافي بالكمال
سديد رأي سياسته مخترعا
يرسي كما ترسي رواسي الجبال
وان جات عيلة من عدوة ردعا
مر لعدوانه وللشعب حالي
كم خطة في سد خطه وضعها
حر تعالى في الطوال العوالي
سبع السباع الى خزرها.. سبعها
حامي بلدنا من يدين الختالي
وان عاجت الارقاب يمه قمعا

وسلطان قايد جيشنا مايباي
درب جيوشه للعدة وجمعها
جيش السعودية حماة التوالي
نبرى الكبود المصدية من وجعها
نوقف عراقي من العقل خالي
وننشب بحلقه لقمة مابلعها
نسقيك يا صدام سم زلاي
منكر.. صنعة جارك الي صنعها
مالك ضمير ولا عليك اتكالي
تأخذ مصالح جارتك وتخدعها
وصلاة ربي عد وبل الخيالي
على نبي سنته نتبعها

أرض الجزيرة

شعر / الحميدي بن زامل السبيعي

على أرض الجزيرة رُفرف الأمن والإيمان
ويامن مواطنها وتأمين رعاياها
تحت راية الإسلام ومثبتة الأركان
وحكامنا عين العدو وتسحن ادواها
على الحجة البيضاء ودستورها القرآن
كتاب الله الدستور والشرع مبداءها
فدى للجزيرة من هل البغض والعصيان
ملايين صدام اللعين انتحداها
نلبي ندى القايد فهد قائد الفرسان
ولبت جميع أصحابنا يوم ناداها

على الخط الأول قوة ترهب العدوان
بقوات بحر وجو والأرض نحماها
على ساحة التدريب شايب مع الشبان
دفاع عن أرض جيشها يرهب عداها
دفاعا عن أرض دونها يقتنب السرحان
سلاطين نجد اللي وساع نهاياها
بحكمة وعقل وثقل يرجح به الميزان
خطو خطوة ماكل رجال يخطاها
تفادوا خطر صدام وأعوانه الخوان
بخطه هجومية رسمها وسواها

ليا من دعانا الفهد في ساحة الميدان
لبسنا المحازم والبنادق حملناها
فدى للعروبة من هل الكفر والطغيان
طفاة العراق الي خبيثة سجاياها
ولي العهد حر ليانبض الجنحان
على الخط الأول زار جيشه وهناها
بنصر محقق يجبر خاطر الزعلان
تعود الكويت لشعبها عقب ماجاها
بابو متعب الأرواح تهدي عن الأوطان
وحنا نبيع أرواحنا ماشربناهها

سمو سيدي سلطان يسلم لنا سلطان
رجع للوطن وأمراض رجله تناساها
وحنا رجال الحرب لا شبت النيران
ندوس الخطر والنار بالرجل ناطاها
ليا ثارعج المعركة كنه البركان
حذفنا الملابس والببدال ارتديناها
تبين لنا المغرض وبانت لنا الصداق
ولا طمع فينا الا كلاب غديناها
نجازي هل المعروف والطيب بالاحسان
ومن طمع في نطف الخليج الله أخزاها

وحنا سلام لمن يسالم من الجيران
ومن لا يسالم ضربة السيف يلقاها
على القلب والا نفصل الرأس من الامتان
ضلوع نكسرهما والاخرى حنيناها
عسى الله يبيوق الخاين اللي غزى الجيران
بشهر الحرام وشتت الشعب وأبكاها
نسي موقف الشعب الكويت بحرب ايران
ولولا مواقفنا الخميني تعشاها
ياشعب الكويت أنا لكم في اللزوم اخوان
الأرواح ترخص دونكم ما حسبناها

احزام لكم لا كتم الجو بالدخان
حياض المنايا لا نتخينا وردناها
ويرجع لكم مشرف ويرجع لكم دسمان
بيوت الصباح الي على الطيب مبناهـا
وترجع لكم حكامكم بأمرة الرحمان
وياشيخ جابر نخوتك مانسيناهـا
ونظهر كويت العرب من عابد الأوثان
يعبد الحجر واقبور الأموات كساهـا
فعل في الكويت الي فعل في العرب ديان
وما سوته صهيون بالضبط سواها
دخل في البيوت الآمنة وايتم الورعان
جزى ما عطوه بمحنته يسلب انساهـا
وياخوان نورة ننتظر منكم الاعلان
على الفاو نسكن في بيوت بنيناهـا

الحلم والحكمة

شعر/ عبد الله الصويلخ

ياسلام الله على شيخنا طير السعد
حامي الإسلام والدين بالسيف الشطير
جامع العقل والحلم والحكمة فهد
غيث للمحتاج وللطاغية شر شرير
حامي الدار والشعب هو سور البلد
من تعدى الشرع ماله منير ولا مطير
يرفع الراية الى قام واخوانه سند
جعلهم ذخر للإسلام مافيهم قصير
أعزى لسلطان جهز جيوشه واستعد
وانتظم من نقره الجوف لين أقصى عسير

قام عبدالله وزار القيادة واجتهد
أبو متعب في المهمات للقايد شوير
بشروا صدام بالعار واصله الوعد
ذبح الشياب والعجز والطفل الصغير
ورطوه أهل الخيانة ولا منهم مدد
ذبح أقرباه وبعدين ضحى بالوزير
هاضيئي نو تحدر ويرهق بالرعد
يرهب الخايف ولا ينتبه لو جاء نذير
ارتكب من كل الآفاق خطر بالبرد
ديره الباري ومافدر الوالي يصير

اختلف رايه وعقله ومخه وقد نفذ
يخدع العالم بهرجه وهو ماله نصير
جنب الإسلام والذين بالكفر استبد
واصل اجله ومحتار رايه مستدير
يتم الأطفال صدام خاين العهد
واستحل العرض والمال والناقد بصير
كافرا طاغي وضيع محمد من حمد
قام يستصرخ وهو راغي عقب الهدير
طاغية من أصل فرعون كان أصله وكذ
بشره بالعار والنار في اليوم الكبير
بشروا جابر وشعبه بحكمه يسترد
خلها يقضي الخيانة ويأتيك البشير

بشعب أبوفیصل الى قام ابشر بالسعد
یرغمون الطاغية لين یعلن بالمنیر
شعبنا الواقی ولا یلزمه کثر العدد
دام أبوفیصل علی الحكم هو جبر الکسیر
بانوا أهل الشر کل تنهض واستبد
کل منهم ضاع عقله ولا فیهم بصیر
اعلن الی فی بلاده ولا جاهم طرد
ساعده بالهرج والرأی ماله مستشیر
بانوا العدوان للمملكة هرج وکد
وانکروا مافات خلوه من تحت الحصیر
انکروا کل الملائین بخلاف الوعد
والتجو للطاغية عونته هرج کثیر
والصلاة ختامها عد ماندى الولد
وعد من زار الحرم من بعید أت المسیر

سودت وجه العرب هدام بغداد

شعر/ عبد الرحمن بن ابراهيم أبو جيمد

سودت وجه العرب هدام بغداد
صورتنا شعب الأمور الردية
نهج التضامن كان ينمو ويزداد
قصمت ظهره علّ ظهره شظية
أسلامنا الي للفضيلات ميراد
صورته أنه للحرايب مطيه
عادتنا حفظ العهد من زمن عاد
من سيرتك يغدر خوي بخويه
عادتنا حفظ الدماء سيرة أجداد
وانت القتل عندك أمور هنيه

وعاداتنا نصون حرمت الأخداد
والا أنت هتك العرض ماهو خطيه
اللي سرق قطع يمينه الى حاد
ياسارق مال الشعوب الفتية
اشعلت حرب تأكل الناس والزاد
تطالب بشط وأراض سبيه
وبعد النصر عطيت للخصم ماراد
مستسلم يكسيك عار وخزيه
ذل جلبته للعروبة والاكراذ
رميت نصر حروبهم في الركيه

كل وقف جنبك حريب ومداد
ظنوك حامي الدار من كل سيه
راحت ملايين من الناس وعتاد
ترضي بها حب القتل والأذية
وتكشفت حقيقتك دون ميعاد
همك تذييق الشعب طعم المنيه
شعب العراق أضحي بمآتيم وحداد
من يوم سدته ياخبيث الطويه
وافقرت من حولك من شعوب وبلاد
مما عطاو لك من جزيل العطيه

فرقتنا مابين طامع وحساد
متآمر في الليل يغزى دنيه
بعض العرب لحقك ذليل ومنقاد
يرجعون من سرقك تمت بهديه
وبعض على السنة لغدرك بمرصاد
غصب يعيدك للدروب السويه
ايماننا بالله أساسات وعماد
وحسن النوايا نورتنا عشية
حب الوطن في الدم يسري وينقاد
لأجل الوطن ترخص نفوس زكية

حكامنا منا على الدرب رواد
رمز الأخوة والوطن والحمية
هم رمز وحدتنا عريبين الأحداد
في ظلهم نقنا الحياة الهنية
غدار من صغرك على الشر معتاد
أمك جزاها منك كف قوية
واللي رفع قدرتك وخلاك رصاد
غدرت به في ثورة عنجهية
ومن عقب ذا صفيت ضباط وأفراد
أكلك وشريك دم نفس بريه

خدمت عدوان العرب هم والأنداد
والقدس بأسبابك نسي للقضية
دولة يهودا تقتل الناس بعناد
تمشي على دربك بنفس شقية
اللي قتل شعبه من شيوخ وأولاد
بليا هدف كود الهوس والغوية
والله مامنه سوى شر وانكاد
وذبح الشعوب اللي بحال غنية
قضى على الآمال في دحر الاحاد
فرق شعوب العرب قبله سويه

الله أكبر

شعر / فهد فلاح بن حثلين

فوق كل ابلاد.. يابلاد السلام
نولد ونموت فوق ترابها
أرضنا الي قادهـا الشيخ الإمام
لين هون بالسيف صعابها
وصار نور يبدد أمواج الظلام
والشريعة نحتكم لكتابها
كلنا لأجل الوطن رمح وحسام
نضرب الي بالغدر نوى بها
الله أكبر كل يوم وكل عام
نرفض الفتنة ونغلق بابها

والسعودية نرى منهو يضام
ومن يفوته ركب طال ركابها
صف واحد دونها عن الخصام
وروحنا عند اللقاء يسخى بها
مايثير شعورنا بعض الكلام
قوة الإيمان دوك حجابها
مانهاب الموت في يوم الزحام
وكل حية سمها في نابها
يابلادي فيك عين ماتنام
ماخبر دونك تصك اهدابها

تحت ظل الي رعى البيت الحرام
والبلاد الي نصون ترابها
دام أبوفيصل لنا والحق دام
بأرضنا الي يفتخر بأنسابها
من دعا للحرب جينا له قوام
وللمدافع لهجة يحكي بها
ومن دعى للسلام حنا للسلام
أرض خير ومن نواها.. هابها

يا أبا فيصل

شعر الدكتور/ بدر الربيعية

يا أبا فيصل جئنا للجهاد
ننشد الحق ونسعى للرشاد
نحن جند الله لا نخشى الردى
في ظلال السيف تحقيق المراد
انها الجنة أو نصر به
انجز الوعد لنا رب العباد
نحمل الروح على الراح ولا
نقبل الظلم ونأبى الاضطهاد
ومتى رام عدو خسفنا
زلزلت من تحته السبع الشداد

قسما مابعدہ من قسم
ان تطأ أقدامنا رأس العناد
او يعود الحق موفورا الى
أهله والدين موفور السداد
ابلغنا صدام عنا أننا
سمه الناقع في يوم التناد
لك منا كل ماتكرهه
يا دعى العرب ياركن الفساد
يوم نلقاك بجيش غاضب
كامل العدة موفور العناد

واسود ضاريات همها
عودة الحق وارجاع البلاد
فالكويت الحر لا ترضى له
باحتيال وهو في العين السواد
كيف منتك الاماني سفها
بأمان دونها خبط القتاد
سوف تأتينا ذليلا صاغرا
مع أنصارك تسعى بالقياد
أو بإذن الله تحكي قصة
عبرة التاريخ تروى مثل عاد

تعيش أبو فيصل

شعر / صالح عبدالرحمن الزبير

الحرمين بالله محروسة ثم بالفهد خادمها
وطاهرة من رجس هدام العراق وقاها
راية التوحيد مرفوعة بيمين قائدها
أبوفیصل اللي يصونها وبالروح يفديها
تعيش أبوفیصل والأرواح لك نهديها
وعدوانك تحت الأقدام وروسهم نوطيها
بالخليج نار تشتعل صدام هو سببها
نار تلتهب وأنت ياخائن حطبها
الكويت الأمن تستبيحه وتطرد أهلها
ثم تنادي بالجهاد وأنت الأعراض تنتهكها

الكويت بحرب إيران بددت ثروتها
تمدك بالقوت والمال ثم تجي تخربها
بعد إيران قلنا على إسرائيل تحطمها
وبوسط الليل يالغادر الكويت تسلبها
عدو العروبة سنين باسم الحرب مشغلها
أكلت الخضر واليابس ثم تطعن ظهرها
هدام العراق سفاح لقيط شوارعها
على طريق هتلر العروبة تنوي تزعمها
وين العهود والمواثيق اللي كنت تشدقها
تخدم بيوت وتنتهك أعراض ربي سترها

ياعدو الله النار نطفئها وأنت تشعلها
لك يوم أسود يالللنذل شمسك تغيبها
عراق المليون شهيد وين مكاسبها
بجرة قلم وقرار فردي تضيعها
هدام العراق الشعب لايمكن يفوتها
جثتك بالعين يعلقها وبالشوارع يسجلها
مثل ما فعل نشاما الطرق يقاسمها
يفعلون بصدام نهاب خيراتها ومجوعها

يحرّم عليهم شبر واحد من ابلادي

شعر / غالب سعود العربي

ياترّبة المملكة ياموطن اجدادي
من دم الابطال خوزي ماتريدينه
نفديك يادارنا يادار الاجوادي
موت الشرف اي وقت يحل يازينه
يا لله شباب الوطن من دونه انفادي
مدامنا فوقها من يقدر يهينه
نبي نعيد قبل ماتحل الاعيادي
عيد يخلد بكتب المجد تدوينه
والله ما عشنا من اجل الشرب والزادي
هلا هلا بالجهاد اللي هذا حينه

يا فهد شجعتنا يوم انك اتنادي
نذاك ياقائد الأمة ملبينه
أمر وأمرك له الأرواح تنقادي
الكل منا يحد النوم عن عينه
قمنا نسل السيوف لردعة العادي
اللي يعين العروبة لازم نهينه
حماسنا كل صبح يبين يزدادي
الله أكبر على المجرم وحامينه
بقلوبهم دم فاسد والشرف عادي
له اخضعوا ذل يوم العالم اتدينه

يحرم عليهم شبر واحد من ابلادي
لو اطلبوه ابدول يفوق تثمينه
دونه حماة الوطن عن كل حسادي
ملك وشعب ودين ماهو ابدينه
المملكة في حمانا نجمها بادي
غصب على الي يعض أصابع ايدينه
بارواحنا كلنا من دونها انقادي
الموت لجل الوطن والعرض يازينه

حنا دفاع الوطن بظروفه الصعبة

شعر / معيوف بن حمود المخلفي

نادا الفهد للدفاع وجاوبه شعبه
الشعب طايح لحكام يروسونه
حنا دفاع الوطن بظروفه الصعبة
الحال والمال لازم نبذله دونه
حكامنا دايم والسلم تنصح به
والجار حقه حريصين يحفظونه
ومن اعتدى هقوته جابت له النكبة
نكبه عليه وعلى من هم يوالونه
صدام يوم المنايا جت تلوح به
واقرد حظه تراها جنة اجنونه

لو كان فعلك خبيث وشين تنص به
بشايه المعتلي خيبتك مضمونه
اعرف ترى مله الإسلام لك رعبه
بنيت ظلمك وبه ناس يهدمونه
وفي ملتك بالمنافق مالنا رغبة
ابليس حافظك بين اشفاه واسنونه
بانث علومك وبان الشعب في شغبه
والهر مثلك شياطينه ينادونه
جبت البلاوي وجبت العار تركض به
وابليس لك حظ كرسي على امتونه

ان ولع الحرب يمسي به ويصبح به
وأصحابه الي موالينه يخونونه
من طب غبة بحر والموج يرجح به
وأصحابه الي موالينه يخونونه
من طب غبة بحر والموج يرجح به
خطر عليه البحر يرميه بكفونه
وحنا لدينا كتاب الله يشرع به
حكامنا حكمهم بالشرع يبدونه
الحق باين وكل الناس تفرح به
والي نواياه شينه مايخلونه

حبك طويل ويقصر لين ترثع به
عرفت نواياك شيطانه وملعونه
ياطاغية ما أنت كفو الشعب تلعب به
الشعب مدرك وشاف أفاعيل مجنونه
صلاة ربي عدد من حج للكعبة
واعداد نبت الورق والزهر بغصونه
على نبي هدي بالحق ينصح به
واصحابه الي على هديه يطيعونه

حنا حزب أخو نورة

شعر / عواد بن خلف بن طوالة

ماطال عمر الغموض.. وبانت الصورة
الموقف الأول.. أثبت صدقة التالي
حقايق في حروف الصدق مذكورة
توصف فعول الحقير لكل الأجيالي
فعايل في ستار الزيف مستورة
ماله مثيل سبق في كل الأفاعي
في لوح اسود بلون الليل منثورة
تصرخ بوجه عليه أسود من الشالي
صدام بان.. وتخفى وانكشف دوره
لص غزى الي فزع له.. يوم الاشكالي

اثبت فشل مايسمى الحزب والثورة
حزب إلى الغدر والتعذيب ميالي
كأنه بالاحزاب.. حنا حزب اخو نوره
ويش أنت؟ ماكنت لا ماضي ولا حالي
الشعب حزبه.. وحكم الشرع دستوره
والشرع يرضي هله في كل الاحوالي
مانمشي الأسوى.. راضين في شوره
توحد الرأي عقيل وجها لي
وقفاتنا في نهار الضيق مخبوره
باسم الوفا لاجل نوفي نرخص الغالي

لا.. مالعروبة بوجه الغدر مجبورة
والدين يبقى معزز.. بيرقه عالي
حنا هله.. نستمد النور من نوره
والدار دونه هله بسلاح ورجالي
أفعالننا في نهار الحرب مشهورة
نقصر عن الدار.. عيلة كل عيالي
عساك ياراية التوحيد منصورة
في جاه وجه العزيز الباري العالي

رفرف علمها

شعر / زيد محمد بن رايز العضياني

أبدأ بذكر اللي عليه اتكالي
الواحد الفرد الصمد محيى الباد
رب غفور وعالم بالمحالي
أسرار كل الكون عنده بمرصاد
مجري الفلك مرسي شموخ الجبالي
والأرض ثبتها في الأعماق بأوتاد
ومن بعد ذا لا جاء لداري مجالي
نعم بها وبمن سكنها والأجداد
وبمن مشى فيها بصوله وجالي
وبمن حموها يوم طارد وطراد

وبمن تولوا عرشها بالعدالي
وأفنوا بخدمتها من المال وعتاد
سلايل للعود وافي الخصالي
عبدالعزیز الی جمع فرقة الضاد
باکم داس من الخطر ما ببالي
خمسین عام کلها حرب وجهاد
من فوق قب یطربن للصهالي
خیل نواصیها بها الخیر منقاد
لین اتحد جنوبها والشمالی
والغرب والشرقی علی نجد الأنجاد

وأضحت عروس بزينها والجمالي
شامت لأبو تركي غلاها له ازداد
وبعد رحل توارثوها العيالي
اخوان نورة ريفها نخر الأجواد
ورفرف علمها مشعلا لليالي
على الجزيرة يوم رب الملا أراد
يطني كبود أهل النفوس الثقالي
وضيم وغبن وغيض بكبود حساد
واحننا لها على العهد لا نزالي
نحاح موت دونها جد وعناد
وصلاة ربي عد وبل الخيالي
على نبي أكمل الدين ماحاد

هذا الفهد بالعدل فينا تزعم!

شعر / حمد محسن الشريف

يا الله يا المطلوب يا الرب الأعظم
يا لي لما ضاقت علينا دعيناه
انا اسالك يا خالقي تخذل الظلم
ما غيرك احد في الشدايد رجينا
احد نطق بالحق واحد نعجم
واحد مع الارهاب يمشي بممشاه
صدام خان العرب مفروض يعدم
والشر يقطع دابره قبل بلواه
الحرب نار تستعر وتضرم
وليا وقع ملزوم ينثر شظايا

ياشعب دجلة خانكم شارى السم
خان العهد قاطع يمينه بيسراه
الفهد ياخاين عطى العهد والزم
نفسه بردعك وان عطى العهد وفاه
وحكم الكويت يعود لخوان مريم
آل الصباح أهل المروات والجاه
هذا الفهد بالعدل فينا تزعم
والجود والانصاف ذي من مزاياه
رقى بنا في سلم المجد وارغم
كل الظروف وخالق الكون قداه

والخير كل الخير بالمملكة عم
واللى سبقنا بالتطور لحقناه
واخوان نورة هم هل السيف لرحم
الذيب يمشي في دارهم مع الشاه
صدام لا تغتر واحذر تقدم
ترى الوطن غالي وبالروح نفداه
لجله على الموت الحمر بنتزاحم
تزاحم أبطال القتال المضراه
بقلوب يوم الروع ماعاد ترحم
في ظل راية من على الحق ممشاه

راية عدل حاشا إلى الله تهزم
وحنا الجنود أهل السيوف المحناه
وان طال وقت الحرب محد تبرم
والي طمع بأرض الوطن نقصر خطاه
والي عزا جاره بشهر المحرم
لازم من الدنيا نزيله ونمحاه
وأفكاره الرعنا لزوم تحطم
للمكشف ستره وبالحق عراه
صف العروبة من سواته تهدم
وهذا مرامه خيب الله مسعاه
يافهد هلال واعلن الحرب وازهم
شعب يلبي للندا حين تنخاه
لا غيم البارود والموت خيم
فالموت منا جبان بيخشاه

من حفر للناس حفرة يطيح بها

شعر / خلف بطيان العتيبي

لك الفخر يافهد السياسة بما سويت
وسجل لك التاريخ صفحات يكتبها
ياحر ولد حر نخر له حرار وصيت
وخاض المعارك لين صفا مشاربها
جاء الفهد نعم المواجه اليانا ديت
وعبد الله اللي كل صعبه يقوم بها
وناييهم الثاني بمدحه حشا ما أخطيت
قروم تخير فالمراجل وتكسبها
عسى الله يديمك يافهد للوطن والبيت
يادرع العروبة يا حجاب يحجبها

سمعنا النداء منك وحضرنا على التوقيت
ورفعنا شعارات الوفا وأنت صاحبها
سلام لمن سالمه وعدا لمن عاديت
وقوم تريد محاربتنا نحاربها
يقول الفهد لازم تعود الكويت كويت
تسلم لجابر لين جابر يعيش بها
بنصر يسمى نصر جمع بعد تشتيت
وتبقى شيوخ اكويتنا في مناصبها
ترجع عراقك بالعراقي مثلما جيت
ولن طالبتك بشيء تدفع مطالبها

يا صدام وش قريبك للنار والكبريت
تري من حفر للناس حفرة يطيح بها
تحسب الخليج ضحيتك مثلما ظنيت
حلام الخيال الي مشاعرك تجلبها
إن كان انك العفريت حنا دوا العفريت
نوريك علقات رموشك تشيبها

نرميه بالموت

شعر / صنيتان الديحاني

سلام يا قائد الإسلام بسلامه
يا زاهي الحكم يامدى مواجيبه
يا قائد المملكة والشعب حزامه
بامر الفهد مانعرف الذل والهيبة
البادعانا الفهد للخصم لطامه
نعتز في رأي أبوفيصل ونمشي به
شعب وقوات للعدوان هدامه
من دون عز الوطن تسطى مضاربه
كلن على مايخصه يلبس احزامه
في خدمة البيت في خدمة معازبه
عهد علينا وكلن وقع ابهامه
وقت الشدائد نمارببه ونوفي به

أهل الشجاعة وضد الخصم وكعامة
الحرب وقت الطلب نفهم بساليبه
يعيش جيش السعودي راكز اعلامه
جيش مع الوقت باينه تجاريبه
يوم العراقي علينا جرد اقوامه
يبغا يغير عقايدنا بكاذيبه
طاغوت طاغي على الإسلام وعلامه
جرايمه في لهيب النار ترمي به
هو يحسب الدين شعب قام بيهامه
ضيع مبادئه في غدره وتعذيبه
هذا يهنيه وهذا يحكم اعدامه
والي يطيعه على الإسلام يغزى به

مانقبله نرفض الطاغوت وأصنامه
حنا لنا شرع نامر به ونقضي به
والمسلم المستغيب نقوم بكرامه
والكل يشهد لنا والكل يحكى به
والي يبا الشر يلقا الشر قدامه
نرميه بالموت والأسباب ونصيبه
النصر ياشيخ جابر هبت أنسامه
ابشر بنصر على الخائن نماريبه
تعيش ياشيخ جابر رافع الهامه
وأرض الكويتي تعود ولابها ريبه
تامر وتنها وتمسح دمعته أيتامه
بكفوفك اللي تمد الخير وتجيبه

غصب على الخائن اللي زلت أقدامه
في حفرت الموت قبل الموت ينوى به
إن كان برضاه والا نقدر ارغامه
عهد علينا على البيدا نساويبه
المملكة تقتدي بالشرع وأحكامه
من يوم صقر الجزيرة جا يناديبه
رفع كيان العدل بالرأي واقامه
مشا على سيرته وارسا مراكيبه
يالله عسى الخلد فيها تبرد عظامه
بجاه رب خفي السر يدريبه
والله يعز الفهد ويطول أيامه
عز الخليجي اليا شانت مشاريبه

كم اتفاق اجتماع قام ببراميه
يصدر قراره بعد تصريح يدي به
ونشكرو لي العهد عهد الوفا اقامه
اليا عطا الامر أبو متعب نهلي به
اليا دعا للحرس يمشون قدامه
بمدرعات تفاجي الخصم وتصيبه
بيدي صقور لحبل العهد لزامه
الي نظام الوطن والعدل يوصيه
ويعيش سلطان قاد الجيش بنظامه
يقود الأسراب هي عاجل مناديه
وكل السلاح الحديث بكامل احجابه
امورده في لزوم الامر يغزي به
وارجو السموحة وخير القيل وختامه
صلوا على الي كلام الله يهديه

نيل الشهادة شرف

شعر / عبدالله العلي الجار الله

لبت جيوش الوطن لصوت داعيها
ماعاش منهو طمع يوم بأراضيها
عطتنا وقت الرخا وبالشدة نعطيها
ومهما عطينا فلا والله نجزيها
الحرب حنا لها من أول وتاليها
وان شعلوا ضوها حنا اللي نطفئها
لطامة خشوم كسابة معاليها
بيارق المجد خفاقة بسواريتها
نيل الشهادة شرف وطاعة لواليتها
جدودنا قبلنا صدوا أعاديها

برماح وسيوف للعدوان نخزيها
هاذي ديار الوفاء والفهد حاميها
ورجالها دونها بالروح تفديها
أرض العطا للعرب والي يواليها
يلقى الشرف والكرم ونخوة أهاليها
سلم سلم لمن حبها كل السعد فيها
الخير والأمن والمعبود معطيها
وحرب على من ظلم هو الي باديها
الدين دستورها محقق مساعيها
والعلم هو سورها رافع مبانيها
والتضيحة للوطن باسمي معانيها
غرسة وفا بالوفا تكبر ونسقيها

دون الوطن في يوم الوطن

شعر / محمد الفراج

سلام ياللي في المهمات بتاع
يانجمنا اللي نقتدي في سناكا
ياللي لنا دايم مصيف ومرباع
من حدة سود الليالي نساكا
واجب علينا يابومتعب بالاسراع
وأرواحنا دون الوطن من فداكا
واجب علينا يابومتعب بالاسراع
نعلن ولانا للوطن مع ولاكا
دون الطون بروح نشتري ونبتاع
هي ديرة الاسلام وافخر ملاكا

يادارنا مايصك كل طماع
وحنا هك يادارنا وأنا ذرا
من جاك يبغي شبرا من القاع
يحرّم علينا مايدنس تراكا
حنا هك يادار وافين الابواع
ويادارنا مابنسخي في غلاكا
شعبك وحاكمك مداوين الالوجاع
غصب على ذولا وهذا وذاكا
نادى الفهد شعب للأرواح بيع
وبالفهد نفخر يوم نسمع تراكا

ياللي حميت الدار من كل خداع
بسيف لعدوان الشريعة هلاكا
يوم العلوم أصبح بها اسداس وارباع
رسمت لك خطة تحطم اعراكا
رسمت خطة ذاعها كل مذياع
وخليت كل يفتدي من قراكا
خليت عدوانك تحطم وتنالاع
وابدت يانسل الاسود مغراكا
ياحاكم ماتجهله كل الأوضاع
وعرفت عدوانك وشفقت أصدقاكا

بان اللئيم الي عن الموجبة ضاع
وبين العروبة وسبب الاتفكاكا
من الردى والغدر سواه قناع
وغديت ياهدام واظلم سماكا
والي معك ياتايه الرأي تباع
ضاعوا معك واهلكتهم في مغداكا
ضاعوا ضياعا صار مافيه مرجاع
ولا عنك مانت موفق باخوا ياك
نسوي جمايلنا قليلين الاسناع
وقالوا تقدمنا وحننا وراكا

وسريت قبل الصبح يبدى بالاشعاع
متعمدا بالغدر دار قصراكا
خليت شعب غافل منك يرتاع
ماصدقوا في نيتك ومغزاكا
العام لك بالحال والمال فزاع
واليوم تسلب مالهم من خطاكا
جازيتهم بالغدر ياتبين الاطباع
اثريك يهودي واليهود اعمالاكا
لا صرت في الربع القريبين قطاع
يلعنك م يسمع ابطاري نباكا

ومكة وطيبة دوتها السيف لماع
ولا يززعزع الأمن السعودي لفاكا
حنا سعودييين لا من دعا الداع
يذري ذرانا وانت كلا وطلاكا
يقودنا فهد العروبة بالاجماع
اللي بعد زلتك قام وزراكا
خلالك ماتلقى منافذ ومسطلاع
مع السماء والأضض سكر عليك
واليوم شعبك ياقليل السنع جاع
وانت السبب يوم ابلس اعتناكا

بكرة اليا قام الدخن له تمزاع
تعود صب مان دور ارضاك
أمر الفهد يودعك تسرع بالاقلاع
وتسجد وتسجد معك كل اخذناك
امخف تمشي على دق الاطباع
قامت تياريك وتنبح معاك
ومن جاء يكيل المد كناله الصاع
وبالي تعاندنا ترانا عماك

مرحبا يا حتوفنا

من هل التوحيد للقايد سلام.. للفهد	ولا دعانا شيخنا الشهم الامام في الوعد
مطلع الشمس الوعد	لا همي وبل الرصاص
مرحبا يا حتوفنا	ودنا ناخذ قصاص
أهلنا وضيوفنا	يا لعدو مالك خلاص
تحت ضرب كفوفنا	لين ترضى بالسلام

* * *

ياعدو الله نويت	تستبيح بيوتنا
منت كفو لا هقيت	دون هذا موتنا
وراجعة أرض الكويت	كان تسمع صوتنا
ورب ذا البيت الحرام	
شيخنا عمرك يطول	وللعدو ذل وكمد
القادسية اللي يقول	جندها من ها البلد
لاهو من نسل الرسول	لا حشى ويكرم سعد